



სატენდერო დოკუმენტაცია

საინფორმაციო დაფების შესყიდვა
(CPV-35261000)
გამარტივებული ელექტრონული ტენდერის საშუალებით

2016 წელი
ქ. თბილისი

ს ა რ ზ ე ვ ი

1. ინსტრუქცია ტენდერში მონაწილეთათვის.
2. ტექნიკური დავალება, სატენდერო წინადადების გაანგარიშების წესი ანგარიშსწორების პირობები.
3. ფასწარმოქმნის ადეკვატურობის დასაბუთება.
4. პრეტენდენტის მიერ სისტემაში ასატვირთი ტექნიკური დოკუმენტაცია.
5. სახელმწიფო შესყიდვის შესახებ ხელშეკრულების პროექტი.
6. დანართი №1 - რეკვიზიტები.
7. დანართი №2 - ფასების ცხრილის სავალდებულო ფორმა.

1. ინსტრუქცია ტენდერში მონაწილეთათვის

1.1. ელექტრონული სახელმწიფო შესყიდვა ტარდება სახელმწიფო შესყიდვების ერთიან ელექტრონულ სისტემაში (შემდგომში - სისტემა).

1.2. სისტემაში შესყიდვის პროცედურები ხორციელდება საქართველოს კანონის „სახელმწიფო შესყიდვების შესახებ“ და „გამარტივებული ელექტრონული ტენდერისა და ელექტრონული ტენდერის ჩატარების წესის“ შესაბამისად.

1.3. დავის შემთხვევაში, უცხოენოვან დოკუმენტსა და მის ქართულ ენაზე შესრულებულ თარგმანს შორის, პრიორიტეტის მინიჭების საკითხს წყვეტს სატენდერო კომისია.

1.4. ხელშეკრულების ფორმა და პირობები მოცემულია სატენდერო დოკუმენტაციაში, რომელიც ხელშეკრულების დადების მომენტისათვის დაზუსტდება სატენდერო წინადადების შესაბამისად.

1.5. პრეტენდენტს არა აქვს უფლება წარმოადგინოს ალტერნატიული წინადადება.

1.6. სატენდერო დოკუმენტაციასთან დაკავშირებული განმარტებების მიღება პრეტენდენტს შეუძლია სისტემის მოდულის - „კითხვა/პასუხი“ მეშვეობით.

1.7. შესყიდვის პროცედურების შესახებ ინფორმაციისა და განმარტებების მიღება შეუძლია ნებისმიერ პირს სატენდერო კომისიის აპარატში, საკონტაქტო პირი: თენგიზ ჯუღელი, ტელ: 2910517.

2 ტექნიკური დოკუმენტაცია

2.1 შესყიდვის ობიექტის დასახელება, ტექნიკური მახასიათებლები, მიწოდების ვადა:

2.1.1 შეყიდვის ობიექტს წარმოადგენს საინფორმაციო დაფები.

2.1.2 შესასყიდი საინფორმაციო დაფა წარმოადგენს საქართველოს ტერიტორიაზე არსებულ გეოდეზიურ მარკებთან ახლომდებარე ამოსაცნობ ბოძებზე დასამაგრებელ უჟანგავი ლითონის, თერმულად შეღებილ (რათა გაუძლოს რთულ კლიმატურ პირობებს ათწლეულების განმავლობაში), ამოზრცულ ასოებიან ფირფიტას, ზომით 12 სმ×15 სმ. დაფას უნდა ჰქონდეს ორი ფერის ტონი (თეთრ ფონზე შავი ფერის საღებავით შეღებილი ასოები).

2.1.3 საინფორმაციო დაფა უნდა დამზადდეს ნახაზი №1-ის შესაბამისად.

2.1.4 მიმწოდებელმა შემსყიდველს უნდა მიაწოდოს 2000 ცალი საინფორმაციო დაფა, ხელშეკრულების ძალაში შესვლიდან არაუგვიანეს 30 (ოცდაათი) კალენდარული დღის განმავლობაში, შემდეგ მისამართზე: ქ.თბილისი, წმ.ნიკოლოზის/ნ.ჩხეიძის ქ.№2.

2.1.5 საქონელთან ერთად მიმწოდებელმა უნდა მიაწოდოს შემსყიდველს შემდეგი დოკუმენტაცია: საგადასახადო ანგარიშ-ფაქტურა (კანონმდებლობით გათვალისწინებულ შემთხვევაში) და სასაქონლო ზედნადები.

2.2. სატენდერო წინადადების გაანგარიშების წესი:

პრეტენდენტის მიერ წარმოდგენილი სატენდერო წინადადების ფასი გაანგარიშებული უნდა იყოს სატენდერო დოკუმენტაციით გათვალისწინებული ფასთა ცხრილის ფორმის (დანართი №2) მიხედვით პრეტენდენტის მიერ შედგენილი ფასთა ცხრილით და უნდა ითვალისწინებდეს სატენდერო დოკუმენტაციით განსაზღვრული, მიმწოდებლის ვალდებულებების შესრულებისთვის საჭირო ყველა ხარჯს, და კანონმდებლობით გათვალისწინებულ ყველა გადასახადს. ნებისმიერ ხარჯი, რომელიც არ იქნება გათვალისწინებული სატენდერო წინადადების ფასში, არ ანაზღაურდება.

2.3. ანგარიშსწორების სავალდებულო პირობები

2.3.1. წინასწარი ანგარიშსწორება არ გამოიყენება.

2.3.2. მიმწოდებელს აუნაზღაურდება მიწოდებული საქონლის ღირებულება, მხარეთა მიერ გაფორმებული მიღება-ჩაბარების აქტის საფუძველზე, საგადასახადო ანგარიშ-ფაქტურის წარმოდგენის შემდეგ (თუ მიმწოდებელი დღგ-ს გადამხდელია), მიღება-ჩაბარების აქტის გაფორმებიდან 15 სამუშაო დღის ვადაში.

2.4. ფასწარმოქმნის ადეკვატურობის დასაბუთება

იმ შემთხვევაში, თუ ტენდერში ყველაზე დაბალი ფასის წინადადების მქონე პრეტენდენტის მიერ სისტემაში დაფიქსირებული საბოლოო ფასი 20%-ით ან მეტით დაბალია შემსყიდველის მიერ სატენდერო

განცხადებაში დადგენილ სავარაუდო ღირებულებაზე, მიმწოდებელი ვალდებულია შემსყიდველი ორგანიზაციის სატენდერო კომისიის მოთხოვნიდან 3 (სამი) სამუშაო დღეში დაასაბუთოს ფასწარმოქმნის ადეკვატურობა. ფასწარმოქმნის ადეკვატურობა შესაძლებელია დასაბუთდეს შესყიდვის ობიექტის იდენტური ან უფრო დიდი ზომების მქონე ლითონის ფირფიტის დაფების მიწოდებასთან დაკავშირებით გაფორმებული ხელშეკრულებით ან შესყიდვის ობიექტის დამზადების ხარჯთაღრიცხვით და ამ ხარჯთაღრიცხვით გათვალისწინებული მასალების ფასების ამსახველი, ინვოისებით, რომელიც დაადასტურებს პრეტენდენტის მიერ დაფიქსირებულ ფასად ხელშეკრულებით ნაკისრი ვალდებულებების შესრულების შესაძლებლობას.

2.5 პრეტენდენტის მიერ სისტემაში ასატვითი ტექნიკური დოკუმენტაცია

2.5.1. რეკვიზიტები დანართი №1- ის შესაბამისად.

2.5.2. შესყიდვის ობიექტის ფასთა ცხრილი დანართი №2-ის შესაბამისად.

2.5.3 პრეტენდენტს უნდა გააჩნდეს უკანასკნელი ორი წლის განმავლობაში 5000 ლარის ღირებულების დაფების/პანელების/აბრების დამზადებისა და მიწოდების გამოცდილება, რის დასადასტურებლადაც უნდა წარმოადგინოს ხელშეკრულების ასლები და შესაბამისი მიღება-ჩაბარების აქტ(ებ)ი ან/და სახელმწიფო შესყიდვის ერთიანი ელექტრონული სისტემის მონაცემები, კერძოდ: SPA და CMR ნომრები..

3. სახელმწიფო შესყიდვის შესახებ ხელშეკრულების პროექტი

წინამდებარე დოკუმენტი წარმოადგენს სახელმწიფო შესყიდვების შესახებ ხელშეკრულების პროექტს, რომელიც დაიდება გამარტივებული ელექტრონული ტენდერის ჩატარების შემდეგ. წინამდებარე ხელშეკრულების პროექტის პირობების დაზუსტება განხორციელდება გამარჯვებული პრეტენდენტის სატენდერო წინადადების შესაბამისად, რომელიც ამავდროულად თანდართული ექნება ხელშეკრულებას, როგორც მისი განუყოფელი ნაწილი.

ქ. თბილისი

--- 2016 წ.

საჯარო რეესტრის ეროვნული სააგენტო, შემდგომში წოდებული „შემსყიდველად“, წარმოდგენილი თავმჯდომარი მოადგილის, ალექსანდრე თევდორაძის სახით და ----- შემდგომში წოდებული „მიმწოდებლად“, წარმოდგენილი ----- სახით, ორივე ერთად წოდებული როგორც „მხარეები“, ვმოქმედებთ რა საქართველოს კანონმდებლობის და „სახელმწიფო შესყიდვების შესახებ“ საქართველოს კანონის შესაბამისად, ვდებთ წინამდებარე ხელშეკრულებას:

1. გამოყენებული ტერმინების განმარტებები

ხელშეკრულებაში გამოყენებულ ტერმინებს აქვს შემდეგი მნიშვნელობა:

1.1 „ხელშეკრულება სახელმწიფო შესყიდვის შესახებ“ (შემდგომში – „ხელშეკრულება“) – შემსყიდველსა და მიმწოდებელს შორის დადებული ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით და ასევე მთელი დოკუმენტაციით, რომელზეც ხელშეკრულებაში არის მინიშნებები.

1.2 „ხელშეკრულების ღირებულება“ – საერთო თანხა, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის.

1.3 „დღე“, „კვირა“, „თვე“ – კალენდარული დღე, კვირა, თვე.

1.4 „შემსყიდველი“ – ორგანიზაცია, რომელიც ახორციელებს შესყიდვას.

1.5 „მიმწოდებელი“ – პირი, რომელიც ახორციელებს საქონლის მიწოდებას ამ ხელშეკრულების ფარგლებში.

1.6 „საქონელი“ – ხელშეკრულების მე-2 მუხლით გათვალისწინებული საქონელი.

1.7 „ინსპექტირება“ – ხელშეკრულების პირობების შესრულების კონტროლი და ზედამხედველობა.

2. ხელშეკრულების საგანი

ხელშეკრულების საგანია საინფორმაციო დაფების (CPV კოდი – 35261000) შესყიდვა.

3. ხელშეკრულების ღირებულება

3.1 ხელშეკრულების ღირებულება განისაზღვრება მიმწოდებლის მიერ წარმოდგენილი ფასთა ცხრილის მიხედვით (დანართი №2) და შეადგენს ----- ლარს.

3.2 ხელშეკრულების ღირებულება მოიცავს წინამდებარე ხელშეკრულების შესრულებასთან დაკავშირებით მიმწოდებლის მიერ გაწეულ ყველა ხარჯს და საქართველოს კანონმდებლობით გათვალისწინებულ გადასახადებს.

4. მხარეთა ვალდებულებები

4.1. მიმწოდებელი ვალდებულია:

ა) მიაწოდოს შემსყიდველს, ფასთა ცხრილით (დანართი #2) და ნახაზი №1-ით გათვალისწინებული საინფორმაციო დაფა ხელშეკრულების ძალაში შესვლიდან ----- კალენდარული დღის განმავლობაში, შემდეგ მისამართზე: ქ.თბილისი, წმ.ნიკოლოზის/ნ.ჩხეიძის ქ.№2;

ბ) საქონელთან ერთად მიაწოდოს შემსყიდველს შემდეგი დოკუმენტაცია: საგადასახადო ანგარიშ-ფაქტურა (კანონმდებლობით გათვალისწინებულ შემთხვევაში) და სასაქონლო ზედნადები;

გ) განიხილოს შემსყიდველის პრეტენზიები და მიაწოდოს მოტივირებული პასუხი ყველა საკითხზე, აგრეთვე უზრუნველყოს აღმოჩენილი ხარვეზების გამოსწორება;

დ) განახორციელოს ამ ხელშეკრულებით მასზე დაკისრებული სხვა ვალდებულებები.

4.2 შემსყიდველი ვალდებულია:

- ა) უზრუნველყოს ინსპექტირების განხორციელება;
- ბ) განახორციელოს ამ ხელშეკრულებით მასზე დაკისრებული სხვა ვალდებულებები.

5. გარანტია

მიმწოდებელი იძლევა გარანტიას, რომ წინამდებარე ხელშეკრულების საფუძველზე შესყიდული პროდუქცია იქნება ნივთობრივად და უფლებრივად უნაკლო და იქნება შესაბამისი საქართველოში მოქმედ სათანადო სატანდარტებთან და ნორმებთან.

6. ინსპექტირება

6.1 შემსყიდველი უფლებამოსილია ჩაატაროს ინსპექტირება, რისთვისაც გამოყოფს უფლებამოსილ პირს/პირებს, ხოლო მიმწოდებელი ვალდებულია ხელი შეუწყოს მას/მათ ინსპექტირების განხორციელების დროს.

6.2 ინსპექტირებას განახორციელებს სსიპ საჯარო რეესტრის ეროვნული სააგენტოს თანამშრომელ(ებ)ი.

6.3 შემსყიდველის მიერ ინსპექტირება განხორციელდება ხელშეკრულების შესრულების ნებისმიერ ეტაპზე.

6.4 შემსყიდველის შესაბამისი წარმომადგენელი (წარმომადგენლები, მოწვეული ექსპერტი) უფლებამოსილია ჩაატაროს მიწოდებული საქონლის ტექნიკური და ხარისხის კონტროლი და თუ აღმოჩნდება წუნი, მიმწოდებელი ვალდებულია უზრუნველყოს წუნის აღმოფხვრა დაუყოვნებლივ საკუთარი ხარჯებით, შემსყიდველის მხრიდან რაიმე დამატებითი დანახარჯის გაწევის გარეშე, მოთხოვნიდან.

7. საქონლის მიღება-ჩაბარების წესი

საქონლის ყოველი ნაწილის მიღება წარმოებს მიღება-ჩაბარების აქტის სახით. მიღება-ჩაბარების აქტი დგება მხარეთა უფლებამოსილი წარმომადგენლების ხელმოწერით, ინსპექტირების განმახორციელებელი პირის დადებითი დასკვნის საფუძველზე.

8. ანგარიშსწორება

8.1 ანგარიშსწორება განხორციელდება შემდეგი პირობებით:

- ა) ანგარიშსწორების ვალუტა – ლარი;
- ბ) ანგარიშსწორების ფორმა – უნადლო, წინამდებარე ხელშეკრულებაში მითითებული მიმწოდებლის საბანკო რეკვიზიტების შესაბამისად;
- გ) დაფინანსების წყარო: 2016 წლის სსიპ საჯარო რეესტრის ეროვნული სააგენტოს საკუთარი შემოსავლები.

8.2. მიმწოდებელს აუნაზღაურდება მიწოდებული საქონლის ღირებულება მხარეთა მიერ გაფორმებული მიღება-ჩაბარების აქტის საფუძველზე, საგადასახადო ანგარიშ-ფაქტურის წარმოდგენის შემდეგ (თუ მიმწოდებელი დღგ-ს გადამხდელია), მიღება-ჩაბარების აქტის გაფორმებიდან 15 სამუშაო დღის ვადაში.

9. ხელშეკრულების შესრულების შეფერხება

9.1 თუ ხელშეკრულების შესრულების პროცესში მხარეები წააწყდებიან რაიმე ხელშემშლელ გარემოებებს, რომელთა გამო ფერხდება ხელშეკრულების პირობების შესრულება, ამ მხარემ დაუყოვნებლივ უნდა გაუგზავნოს მეორე მხარეს წერილობითი შეტყობინება შეფერხების ფაქტის, მისი შესაძლო ხანგრძლივობის და გამომწვევი მიზეზების შესახებ. შეტყობინების მიმღებმა მხარემ შესაძლო უმოკლეს ვადაში უნდა აცნობოს მეორე მხარეს მის მიერ მიღებული გადაწყვეტილება აღნიშნულ გარემოებებთან დაკავშირებით.

9.2 იმ შემთხვევაში, თუ ხელშეკრულების პირობების შესრულების შეფერხების გამო მხარეები შეთანხმდებიან ხელშეკრულების პირობების შესრულების ვადის გახანგრძლივების თაობაზე, ეს გადაწყვეტილება უნდა გაფორმდეს ხელშეკრულებაში ცვლილების შეტანის გზით, ხელშეკრულების მე-11 მუხლის შესაბამისად.

10. ხელშეკრულების პირობების შეუსრულებლობა

10.1 წინამდებარე ხელშეკრულების 4.1 პუნქტის „ა“ ქვეპუნქტით განსაზღვრული ვალდებულების შეუსრულებლობის ან ნაწილობრივ შესრულების შემთხვევაში, მიმწოდებელს ეკისრება

პირგასამტეხლო ყოველ ვადაგადაცილებულ დღეზე ხელშეკრულების ღირებულების 0.3%-ის ოდენობით.

10.2 წინამდებარე ხელშეკრულების 8.2 პუნქტით განსაზღვრული გადახდის ვადის გადაცილების შემთხვევაში, მიმწოდებელი უფლებამოსილია დააკისროს შემსყიდველს პირგასამტეხლო ყოველ ვადაგადაცილებულ დღეზე ხელშეკრულების ღირებულების 0.3%-ის ოდენობით.

10.3 იმ შემთხვევაში, თუ მიმწოდებელზე დაკისრებული პირგასამტეხლოს ჯამური თანხა გადააჭარბებს ხელშეკრულების ღირებულების 3 (სამი) პროცენტს, შემსყიდველი იტოვებს უფლებას შეწყვიტოს ხელშეკრულება და მოსთხოვოს მიმწოდებელს შესაბამისი პირგასამტეხლოს ანაზღაურება.

10.4 პირგასამტეხლოს გადახდა არ ათავისუფლებს მიმწოდებელს ძირითადი ვალდებულებების შესრულებისაგან.

11. ხელშეკრულებაში ცვლილებების შეტანა

11.1 ნებისმიერი ცვლილება წინამდებარე ხელშეკრულებაში განხორციელდება წერილობით, ორივე მხარის უფლებამოსილი წარმომადგენლების ხელმოწერით.

11.2 თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია.

12. დავების გადაწყვეტა

12.1 ხელშეკრულების შესრულების პროცესში მხარეთა შორის წარმოქმნილი უთანხმოება წყდება მოლაპარაკებების გზით.

12.2 თუ ასეთი მოლაპარაკებების დაწყებიდან 5 (ხუთი) დღის განმავლობაში შემსყიდველი და მიმწოდებელი ვერ შეძლებენ სადაო საკითხის შეთანხმებით მოგვარებას, ნებისმიერ მხარეს დავის გადაწყვეტის მიზნით შეუძლია მიმართოს საქართველოს სასამართლოს კანონით დადგენილი წესით.

13. ხელშეკრულების შეწყვეტა

13.1 თითოეული მხარე უფლებამოსილია შეწყვიტოს წინამდებარე ხელშეკრულების მოქმედება, თუ მეორე მხარე ვერ უზრუნველყოფს თავისი ვალდებულებების ჯეროვან შესრულებას, ან მოქმედი კანონმდებლობით დადგენილ სხვა შემთხვევებში.

13.2 ხელშეკრულების ცალკეული პირობების მოქმედების შეწყვეტა არ ათავისუფლებს მხარეებს დანარჩენი, ძალაში მყოფი, ვალდებულებების შესრულებისაგან.

13.3 ხელშეკრულება აგრეთვე შეიძლება შეწყდეს მხარეთა წერილობითი შეთანხმების საფუძველზე.

14. ხელშეკრულების მოქმედების ვადა

წინამდებარე ხელშეკრულება ძალაში შედის ხელშეკრულების გაფორმებიდან და მოქმედებს 2017 წლის 31 იანვრის ჩათვლით.

15. ფორს-მაჟორი

15.1 წინამდებარე ხელშეკრულების დამდები რომელიმე მხარის მიერ ხელშეკრულების პირობების შეუსრულებლობა არ გამოიწვევს საჯარიმო სანქციების გამოყენებას, თუ ხელშეკრულების შესრულების შეფერხება ან მისი ვალდებულებების შეუსრულებლობა გამოწვეულია ფორს-მაჟორული მდგომარეობით.

15.2 ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებულნი შემსყიდველის ან/და მიმწოდებლის შეცდომებსა და დაუდევრობასთან, და რომლებსაც გააჩნიათ წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნეს ომით ან სტიქიური მოვლენებით, ეპიდემიით, კარანტინით, საბიუჯეტო ასიგნებების მკვეთრი შემცირებით და სხვა.

15.3. მხარემ, რომელსაც შეექმნა ფორს-მაჟორული გარემოება, დაუყოვნებლივ წერილობით უნდა აცნობოს მეორე მხარეს შექმნილი გარემოების და მისი სავარაუდო აღმოფხვრის ვადის შესახებ, წინააღმდეგ შემთხვევაში იგი არ ათავისუფლებს ხელშეკრულების პირობების სრული ან ნაწილობრივი შეუსრულებლობით გამოწვეული პასუხისმგებლობისაგან.

16. სხვა პირობები

ხელშეკრულება შედგენილია სამ, თანაბარი იურიდიული ძალის მქონე, ეგზემპლარად, ქართულ ენაზე. აქედან, მიმწოდებელს გადაეცემა ერთი, ხოლო შემსყიდველს – ორი ეგზემპლარი.

17. მხარეთა რეკვიზიტები:

შემსყიდველი:

სსიპ საჯარო რეესტრის ეროვნული სააგენტო,
წარმოდგენილი თავმჯდომარის მოადგილის
ალექსანდრე თევდორაძის სახით,
მისამართი: თბილისი, წმ.ნიკოლოზის/ნ.ჩხეიძის ქ.№2,
ტელეფონი: 2 910517
საბანკო რეკვიზიტები: ხაზინის ერთიანი ანგარიში
№GE24NB0330100200165022,
ბანკის კოდი: TRESGE22;
სახაზინო კოდი: 707427078
ს/კ – 202238621

მიმწოდებელი:

შპს „_____,
წარმოდგენილი დირექტორის, _____
სახით,
მისამართი:
ტელეფონი:
საბანკო რეკვიზიტები:
ანგ. №_____,
სს „თიბისი ბანკი“, კოდი: _____,
ს/კ _____

რეკვიზიტები:

პრეტენდენტის იურიდიული ფორმა და დასახელება:

ხელმძღვანელის სახელი და გვარი,

პრეტენდენტის იურიდიული და ფაქტიური მისამართები:

საიდენტიფიკაციო კოდი:

პრეტენდენტის ტელეფონის ნომერი:

ელექტრონული მისამართი:

ბანკის დასახელება:

ბანკის კოდი:

ანგარიშსწორების ანგარიში:

ფასთა ცხრილი

დასახელება	ტექნიკური მახასიათებლები	რაოდენობა	ერთეულის ღირებულება	საერთო ღირებულება	მიწოდების ვადა
საინფორმაციო დაფა	უჟანგავი ლითონის, თერმულად შეღებილი , ამოზრცულ ასოებიანი ფირფიტა, ზომით 12სმ×15სმ. დაფას უნდა ჰქონდეს ორი ფერის ტონი (თეთრ ფონზე შავი ფერის საღებავით შეღებილი ასოები). დაფა უნდა დამზადდეს სატენდერო დოკუმენტაციის ნახაზ №1-ის შესაბამისად	2000 ცალი			ხელშეკრულების გაფორმებიდან ----- ----- დღე.
ჯამი					